

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO TRAVNIK
Broj: T06 0 KT 0037606 25
Datum, 11.07.2025. godine,

OPĆINSKI SUD TRAVNIK

Na temelju odredbe člana 45 stav 2 tačka i) i člana 241 stav I Zakona o kaznenom postupku Federacije Bosne i Hercegovine, p o d i ž e m:

OPTUŽNICU

Potvrđena dana 17.07.2025. godine

Protiv:

I. Z.

Zbog postojanja osnova sumnje da je :

Dana 28.04.2025.godine oko 23,30 sati u casinu „Mozzart“ koji se nalazi u ul. Trg Zlatnih Ljiljana, grad Novi Travnik, odmah po ulasku u navedeni objekat požarom izazvao opasnost za život ljudi ili imovinu većeg opsega na način da je iz crvenog omota u kojem se nalazila bočica sa zapaljivom tečnošću – benzin, po unutrašnjosti objekta posuo zapaljivu tečnost (benzin), da bi prilikom izlaska iz navedenog objekta upaljačem otvorio plamen vatre tako što je zapalio pvc bočicu u kojoj se nalazila zapaljiva tečnost, nakon čega je vatra zahvatila i tepih u navedenom objektu a sve sa namjerom da izazove požar, svjestan da prosipanjem zapaljive tečnosti po unutrašnjosti objekta i paljenjem zapaljive tečnosti-benzina može izazvati opasnost za život i tijelo ljudi i imovinu većeg opsega, što je i htio, nakon čega se udaljio iz navedenog objekta prema ulici Kralja Tvrtka gdje je lišen slobode od strane policijskih službenika PS Travnik.

Čime da je počinio krivično djelo „Izazivanje opće opasnosti“ iz čl. 323 st. 1 KZ F BiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.